

**DE CONCILIIS THESES,
MODERATORE
REURENDO
CLARISSIMOQUE ...
IOHANNE GEORGIO...**

Johannes Rodenburg, Johann Georg
Volckmar, Matthaeus Satler

7

DE CONCILIIIS
THESES,

Moderatore

REVERENDO CLARISSIMOQVE
VIRO DN. IONANNE GEORGIO VOLCKMARO,
S. S. Theol. Doctore & Professore in Aca-
demia Wittebergensi Publico

CONTRA PONTIFICIOS

Ad disputationem XVIIII. in Collegio Studiosorum
Theologiæ privato, die XXVIII Februari,
habendam, proposita

à
JOHANNE RODENBVR-
GIO ANTWERPIANO

Respondente,

MATTHÆO SATLERO
Heubacense VVirtembergico.

VVITTEBERGAE, Isteis VVolfgangi Meisneri.

ANNO cl. l. IVC.

170

ET GENTIS ET MENTIS IN-
dole verè Nobilissimis

D.D. THEODORICO & JOHAN-
NI BEHR FF. Equitib: Livonis

DOMINIS SVIS, AMICIS QVE FAVORIBUS

Observantia ex animo testanda
ergò

Hoc quaecunque Thematum οχδίσμα.

JOHANNES RODENBURGIUS
Antuuerpianus.

D. D. D.



DE CONCILIIIS.

THES. I.



um de capite Ecclesie tam genuino & principali, quod CHRISTUS est, quàm spurio sive ministeriali, quod Papam esse, Papales contendunt, disceptatum sit hætenus: superest ut jam de reliquo totius Ecclesie corpore videamus.

2. Quandoquidem vero adversariis idem Ecclesie corpus bifariam considerare libuit, quatenus id vel toto terrarum orbe dispersum, vel in Synodis congregatum cernitur: age in hoc etiam adversarios *ἡ πόλις* insecuti de Concilijs & eorum autoritate breviter considerabimus.

ἀφορμή.

3. Postquam enim exoriens Evangelicæ lucis claritas, radijs suis lippientes Romanensium oculos, non leviter ferire cœperat, illi quod & Scriptura Evangelicis Doctoribus opponerent, vix ac ne vix quidem reperientes, Conciliorum suorum decreta tot videlicet seculorum decursu roborata, ambitiosè jactarunt, iisdemq; contra verbi cœlestis fulgorem, tam sibi quàm nobis umbram satis tenebrosam facere moliti sunt: ut si Solem iustitia cælo Ecclesia penitus detrahere non possent, Synodaliū saltem canonum tanquam densi corporis objectu lumen e. iusdem nobis interciperent.

4. Hinc tomos illos conciliorum: hinc illam annalium Ecclesiasticarum partim editorum, partim edendorum monstruosam farraginem: hinc deniq; integras Synodorum Bibliothecas protrudunt Romanenses, si fortè, quos pondere cœlestium oraculorum premere nequeunt, eos mole saltem aliqua obruere possent.

5. Hinc deniq; tanta solennitate, tanta Episcoporum & Cardinalium frequentia, tantis etiam sumptuum impensis concilia omnibus temporibus indixit & cœgit Pontifex, quibus id unice agit, ut vel hac ratione, seu vi seu numero tandem mala causa triumphet.

6. Interim illud meminerimus, non de eo nobis tantopere cum ad-
versa parte controverſiam intercedere, utrum ex usu Eccleſiæ ſit legi-
tima Synodorum congregatio, nec ne? fatemur enim utrinq; concilia
præ cæteris ad hæc duo conducere poſſe, ut nimirum vel hæreſes &
ſchiſmata, quantum fieri poteſt, ex agro Domini eruantur; vel mo-
res corrupti, & vitia alijsve quidam abuſus invaleſcentes, reformatio-
ne imita aboleantur; utrumq; enim horum ſi fiat, non ſolum approba-
mus, verum etiam ut fiat, votis ſolenniter nuncupatis optamus.

7. Et quidem de generalibus concilijs eatenus inter nos & adver-
ſarios convenit, ejuſmodi Synodorum convocationes utiliſſimas quidem
eſſe. & ſuo quaſi modo ex parte neceſſarias; non tamen abſolute &
ſimpliciter, ac ſi Eccleſiæ incolumitas ullorumve hominum ſalus indi-
dem dependeat; ſiquidem primis trecentis annjs, generalibus Synodis
Eccleſia caruit, nec tamen ob id nulla fuit; quemadmodum igitur tum,
ita etiamnum potuiſſet ſua Eccleſia conſtare incolumitas etiam abſq;
conciliorum adminiculo. Nec enim vel illis ipsis temporibus hæreſes
ſchiſmata alijsq; vitioſi abuſus deſuere, interim tamen Eccleſia, quam-
vis Synodorum præſidio deſtituta, omni prorsus divine proteſtionis
aura ſoveri & conſervari minime deſiit.

8. Sit itaq; iſtud utrinq; in confeſſo non tantam eſſe Oecumenicorum
conciliorum neceſſitatem; tamenſi enim, ut ſaretur leſuita, ad extin-
guendas ſeptem hæreſes, ſeptem concilia generalia celebrata ſint, inte-
rim tamen, ſi eidem credimus, plus quam centum hæreſes à ſola, ut a-
iunt Apoſtolica ſede extinctæ ſunt.

9. Similiter unum ſolummodo ſchiſma per univerſale concilium ſub-
latum ab ipſiſmet Pontificijs memoratur; e contra vero ſchiſmata ſu-
pra quinq; & viginti abſq; ullo generali concilio ſopita fuiſſe iſdem glori-
antur.

10. Reliquum eſt, ut Synodos præſertim Oecumenicas, οὐ πρὸς τὸ ἁ-
πλῶς εἶναι τῆς ἐκκλησίας, ἀλλὰ μὲν πρὸς τὸ εὖ ἢ τῷ βαλόντι χάριτι
requiri conſentientibus ſuffragijs arbitretur. ut. h.e. quemadmodum inter-
pretatur leſuita d. l. quo ſpavius & maturius pax Eccleſijs red-
datur.

11. Hoc non obſtante aliqua adhuc nibilominus Concilia, ſi non ge-
neralia, attamen particularia ad bonam Eccleſiæ gubernationem quan-
doque

dóque omnino necessaria esse concedi utcumq; potest. Etsi enim Deus per absolutam potentiam suam, Ecclesiam etiam absq; ullis concilijs tam particularibus quam Oecumenicis in novissimum usque diem conservare possit, ordinaria tamen media ad potendam Ecclesiam qua iterumque utilia, negligenda minime censemus, præsertim ubi talia à Domino benigne conceduntur.

12. In tali namq; casu huiusmodi opportunitates divinitus oblatas, non tantum negligere, sed & præstare & per contemptum repudiare velle, haud scio an non perinde fuerit, atque Deum tentare.

Τὸ Πρώτον.

13. Verū enim vero non tam de particularibus quàm universalibus Synodis, nobiscum contendere videntur Popicula, penes quem videlicet munus & potestas convocandi illas, potissimum resideat: Deinde certa ne sint & infallibilia earundem iudicia.

Ἐν Δεύτερῳ τῷ Πρώτῳ.

14. Ceterum licet primo statim intuitu in proclivi esse videtur quid Synodi sint, si nomen solummodo attendatur; si tamen res ipsa in se, non autem ex nomenclaturæ cortice astimetur, facili apparebit, non quodvis concilium ita fortè fortuna appellatum, de jure protinus ita appellandum fuisse. Si enim dicamus (uti nos quidem omnino dicendum arbitramur) Synodum conventum esse hominum idoneorum, ad disceptandum de rebus sacris legitimè indictum & institutum, hac nimirum ratione, haud obscure elucescet, quid discent ara lupinis, quid item Pontificiorum concilia sint ex una parte, quid contra merito esse deberent ex altera.

15. Nam nec idoneos esse omnes ramos ac delibutos vertices nec idoneitatem in terra illa Episcopali consistere testatur Iesuitarum, aliorumq; huiusmodi Satellitum comitatus, nec legitimè statim fieri putabimus, quæcumq; juxta canones sive veros sive fictos hujus vel illius sæculi sunt.

16. Ceterum nec universalis confessio, vel Oecumenica dici merentur illa Concilia, quæ ex una atque altera gente, Italica nempe vel Hispanica, potissimum cœnant, nisi fortè quispiam orbem terrarum sive dixerim tribus vel quatuor provinciis totidem re nationibus [ex Pontificia fortasse Cosmographia] rectè definiri opinetur.

17. Quod si illa Procerum Romanensium eximia ne quidem Synodi sunt, ut ex definitione patet, sanè ut maximè sint [id quod tamen re vera non sunt] nec dum tamen æcumenica fuerint; si nec Synodi, nec æcumenica; multò minus hoc quod divisim non sunt, conjunctim esse poterunt, h. e. æcumenicæ Synodi, quod tamen illi perpetua principii petitione gnauiter impudentes lubinde præsupponunt.

18. Porro quod legitimè Synodos indici debere innuimus, in eo omnino propemodum sita est prioris quæsti controversia; Potestatem enim quidem convocandi tales, quales cogit, Synodos Papam habere profiteamur, quippe quam toties usurpare eum conspiciamus, quoties ipsi libitum fuerit; unde vero illud habeat, quo jure sibi vendicet auctoritatem indicendi catholica & verè generalia, [uti jactant ejus clientuli] concilia, merito in questionem vocabimus; tamen si certum sit, ut diximus, nec veras Synodos nec verè æcumenicas esse illas quæ pro talibus venditantur.

19. Ius itaq; convocandi Synodos summo magistratui potius, quam Pontifici competere in præsentia ex iis ipsis Iesuitæ verbis, de Imperatore concludemus, quibus ille Pontifici suo id juris arriogare nifus est.

lib. 1. de concil. c. 12. §. 2. 20. Sic enim ille: Catholici, inquit, munus convocandi concilia generalia ad Romanum Pontificem propriè pertinere volunt, sic tamen ut possit etiam alius, Pontifice consentiente, concilium indicere quin etiam satis sit, si indictione facta ipse postea ratam habeat, & confirmet: At si nec ipse indicat concilium, nec aliquis alius de ejus mandato vel consensu, nec ipse saltem approbet indictionem, illud non concilium sed conciliabulum fore.

21. Quibus verbis satis superq; innuit Iesuita duplici modo contingere posse, ut à Romano Pontifice Synodus convocata dicatur. Primum si alius quispiam indicat concilium, modo tamen Papa consentiente id fiat, in ejusmodi casu concilium à Papa congregatum censi:

22. SECUNDO si maximè à Pontifice indictio facta non sit, modo ipse indictionem, quantum vis ab alio factam, confirmet, id ipsum sufficere posse ad hoc ut à Papa Synodus ejusmodi coacta judicetur.

23. Horum utrumq; cum in Magistratum politicum aequè bene, vel etiam melius, quam in ipsum Romanum Episcopum quadret, quis non videt

vel ab ipsis adversariis etiam invitis, politico magistratui clarissime
id ipsum adscribi, & quidem iisdem in verbis, quibus istud eidem de-
rogatum voluerant.

24. Sic ergo Iesuitæ verba simpliciter invertemus di-
centes: Vere Catholici munus convocandi concilia ad
Imperatorem sive Magistratum Politicum proprie per-
tinere volunt, sic tamen. 1. ut possit etiam alius Impera-
tore consentiente concilium indicere. 2. quin etiam satis
sit adhuc ut Imperator concilium indixisse statuatur, si
indictionem, licet ab alio factam, ipse postea ratam ha-
beat & confirmet, &c.

25. Hæc igitur quemadmodum praxis primitivæ Ecclesiæ luculen-
ter ostendit, & comprobant prima illa quatuor œcumenica concilia, ita
de singulis propter adversarij replicas ita induci potest. Nam PRIM-
O NICAENUM non nisi consentiente Constantino indictum fuit, DEIN-
DE non nisi Constantino ipso vel convocante, vel saltem indi-
ctionem, si ab alio facta fuisset, ratam habente, convenire
potuit, quod tamen posterius sufficere Iesuita pronuntiavit.

26. Similiter de Constantinopolitano liquet, si enim Theodosius se-
nior literas quibus concilium illud indicebatur, ad Episcopos misit, ut
Iesuita contendit, profectò non nisi Theodosio tum consentiente
tum indictionem illam ratam habente, congregata fuit Con-
stantinopolitana Synodus.

27. Idem est iudicium de Ephesino, quod tertium fuit. Id enim nuntius
Theodosij Iunioris convenisse vel inde liquet, siquidem illud Imperatore
vel non consentiente vel indictionem ejus ratam non ha-
bente, etiam ipsius adversarij testimonio, indictum minimè fuit.

28. Deniq; de Chalcedonensi similiter se res habet. Nam primum sa-
petur Robertus non sine ope pij Imperatoris Martiani id collectum, 2. lib. 1. de con-
cun Delasius, citante Roberto, scribat, SOLAM Apostolicam sedem, cap. 13.
ut Synodus Chalcedonensis fieret, sua auctoritate decrevisse subijcit po-
stea, per illam vocatam [SOLA] non Imperatorem sed alias scilicet E-
piscopales excludi, quod argumq; si ipsi condonemus, quis non perspicit
etiam hanc quoq; Synodum non nisi Mariano tum consentiente
tum

tum indictionem ejusdem ratam habente indictam fuisse?

29. Unde apparet, non tam à Pontifice Romano, quam ab Imperatoribus indicta fuisse prima illa probatissimaq; concilia, si maxime admittamus illam hypothefin, ex qua id Privilegium propriè ad Romanum Pontificem restringere Iesuita molitus fuit.

30. Quanquam autem ab initio, antequam ad fidei Christianae societatem Monarcha accessissent, concilia collecta fuerint, invitatione & precibus eorum, quorum præcipua in Ecclesia fuit authoritas; tamen posteaquam nutricos ex Regio vel Imperatorio ordine Ecclesia sua Deus indulfit, potestas ad hos devoluta est cum authoritate constituendi id, quod antea precarium quodammodo atq; arbitrium fuerat.

ἀνασκευή.

Bell. c. 15.

31. Porro quod omnes Prælati majores, id est, Episcopi, ipsiq; soli in conciliis generalibus & provincialibus habeant jus suffragii decisi vi ordinariè, &c. id vicissim usdem argumentis, quibus ab adversario astringitur, commodissime destruitur. Prius sententiæ suæ robur petunt à Scriptura, posteriùs ex ratione, utrumq; in adversarios hoc modo retorquebimus.

32. Locum quem citant, extat Ier. 3. v. 15. Dabo vobis Pastores secundum cor meum, & pascunt vos scientia & doctrina. Item Eph. 3. v. 11. alios autem Pastores & Doctores constituit.

33. Hic libenter fatebimur cum Hieronymo in hunc locum, & cum Augustino epistola 59. ad Paulinum conjunctum esse nomen PASTORIS cum nomine DOCTORIS quod DOCERE proprium sit pastorum: addit postea Iesuita PASCERE idem esse quod definire in consiliis ea, quæ sunt credenda vel agenda, & docere quidem ita, ut teneantur certè credere [si credere fas est]

34. Esto igitur proprium munus pastorum docere; & quidem ordinariè; subsumemus interim, non solos Episcopos Pastores esse, quales intelligit Propheta cum Apostolo, verum etiam alios Ecclesiæ ministros; quin imò Pontificiorum Episcopi nihil minus sunt plerumq; quam id quod dicuntur, nisi fortè æquivocè; Eo ipso enim, quod non docent Romanenses Episcopi, recipi se Pastores non esse, factò ipso satis superq; demonstrant.

35. Iam si supra dictam Iesuitæ interpretationem ipsi condonemus ex hypothesi, cum non soli Episcopi Pastores sint, imò nihil minus quam Pastores qui doceant, consequens erit, nec solis Episcopis ordinariè munus decidendi in Concilijs competere, quin potius ex data suppositione nullo modo ipsidemet convenire.

36. Alterum sententiæ nostræ fundamentum tali ratione nititur: negocia Ecclesiastica, fatente Iesuita, à personis Ecclesiasticis & publicis tractanda sunt. Tales autem subiicit. SOLOS Episcopos esse: At contra dicemus neutiquam SOLOS Episcopos Ecclesiasticas, & publicas personas esse. Quid enim magis alienum à verò? Ergone verbi gratia Petrus Stevarcius Leodius, Parochus Ingolstadiensis, cateriq; Pontificijs à concionibus, ad unum omnes nec Ecclesiasticæ, nec publicæ personæ sunt? quid absurdius, quid insulsius, quid puerilius?

37. Id ipsum interea, an satis conveniat cum eo, quod paulò antè, eodem in capite & alibi satis indefinitè Robertus pronunciàrat, cum diceret, concilia non Laicorum sed Sacerdotum esse, ipse viderit; utri certe potius Sacerdotes sint secundum Pontificios appellandi, num Episcopi videlicet, an potius Sacrificuli, dubitet qui poterit: hyperassillen certe Conciliorum papalium si non veracem, attamen mimorem magis esse oportebat.

lib. 1. c. 15.
& lib. 2. c.
8. de Concil.

38. Caterùm de Conciliorum tam materia quam forma, h. e. tam de personis ex quibus concilia præcipuè constare debeant, quam de modo in illis procedendi, abundè nos commonefacit primæ Synodi Apostolicæ exemplar, Act. 15.

39. Siquidem non soli Apostoli adfuisse dicuntur, sed & Seniores siue Presbyteri, imò non adfuisse tantummodo; sed & suffragium, ut loquuntur; decessivum contulisse. Perinde enim quemadmodum Paulus & Barnabas ab Ecclesia. 1. ab Apostolis, & Presbyteris excepti dicuntur vers. 4. Sic illi ipsi à quibus excepti fuerant, (tam Presbyteri videlicet, quam Apostoli) convenisse dicuntur, ut de præsentì illic negotio disputerent.

40. Deinde SECUNDO non solis Apostolis, sed Apostolis & Presbyteris cum tota Ecclesià placuisse dicitur delectos ex seos viros Antiochiam mittere v. 22. Postremo deniq; sententiam decisivam ad Antiochenos literis perscriptam ita formant: APOSTOLI & PRESBYTERI & FRATRES vs qui sunt Antiochiæ.

Bell. lib. 1.
cap. 18.

Euseb. lib. 3.
de vita Con.

41. Huic ergo Concilij formulae quàm similes aut dissimiles sint Romanensium Synodi, ex collatione mutua non obscure patecet.
42. Ut ergo hanc ^{ὡς ἔστιν} concludamus, hoc extremum addimus: si non esset suffragiorum numero, sed sacrorum testimoniorum pondere rationumq; ex illis petitarum momentis, agendum; perperam fieret, etiam ipsius Iesuitae iudicio, si soli Episcopi sententiam dicerent in Concilijs: Atqui antecedens tam verum, quam quod verissimum, proinde consequente immerito dubitatur.
43. E converso, si ius ferendi sententias in Concilijs solis, solis, inquam, Episcopis ipso iure permitteretur, iure etiã numeranda tantum non autem ponderanda essent suffragia. Atqui hoc posterius non nisi summa cum ipsius veritatis injuria fieret, quae plures saepenumero adversarios quam astipulatores experiri solet.
44. Porro quod ejusdem sit Synodos convocare, & in iisdem praesidere, ipsis etiam instantibus Pontificijs constat. Cum itaq; prius illud Imperatori supremoq; magistratui iure tribuatur, nemo non videt, eidem nec posterius illud alterum derogandum fuisse; & quo iure prius, eodem & posterius Pontificem sibi arrogare, h. e. nullo.
45. Memoria interim & imitatione dignissimum est Constantini Magni exemplum, qui privatis & intempestivis contentionibus sepositis, dogma controversum ex solo Dei verbo examinari voluit; similiter uamq; & magistratus politicus in negotio religionis controversias non exmero arbitry sui dictamine dyndicabit.
46. Sed potius ita rotam actionem moderabitur, ut controversijs legitime cognitis sententias roget, rogatas ad scripturae normam exi-
gat, omnibusq; modis prospiciat, nequid vel ambiciosè vel turbulèntè fiat.
47. Nunc itaq; ut ad Conciliorum auctoritatem veniamus, quae secunda propositionis pars fuit: Quarunt Pontificij sintne certa & infallibilia Conciliorum iudicia. Hanc Conciliorum auctoritatè rursum dupliciter considerant, absolute videlicet & in se, deinde in comparatione cum alijs, quae vocant principys fidei, h. e. cum scriptura Pontificijsq; decretis.
48. Quando vero de infallibili Conciliorum iudicio quaritur, quaestio duplicem habere sensum potest, alterum an concilia errant vel erraverint unquam; alterum an si maxime nunquam errarint, errare scilicet potuerint; Nec enim absurdum si dicamus Concilia quaedam licet revera non errarint, errare tamen, id quod humanum est, potuisse.
49. Hic Pontificij non solum actum sed & potentiam negant: Ta-
ment

met si vero non sequatur, si errare potuerant Concilia, factio etiam ipso
errasse nihilominus ab actu ad potentiam, scilicet vera aberrarunt,
errare necessario potuisse concluditur, tam certo nimirum, quam certo
actus potentiam vel actus secundus, actum primum presupponit.

50. Caterum fatentur satis ingenuè Pontificij Concilia non solum
particularia, sed & universalia, quantumvis legitima, ante confirma- Bell. lib. 2.
tionem Pontificis errare posse etiam si interveniat legatorum ipsius Pon- c. 10. & 11.
tificis consensus. Proinde isthuc adversarijs litem movere non possumus.

TO ANTIOCHORUM.

51. Sicubi vero summi Pontificis sententia acceperit, ibi demum ^{ACTIO}
absq; ulla hesitatione decernunt concilia tam generalia quam speci- Bell. lib. 2.
alia, à summo Pontifice confirmata, nec in fide, nec in moribus cap. 2. & 5.
errare posse, cujus axiomatis contradictoriam sequentibus adstrue-
mus.

LOCVS I.

Vbi duo vel tres congregati sunt in nomine meo, illic sum Matth. 18.
in medio eorum. 7. 20.

52. Hæc propositio non modo universalis, est verum etiam recipro-
ca; quorum enim in medio Christus habitat secundum presentiam gratie
sue, illos etiam in Christi nomine congregatos esse nullum est dubium.

Atqui Patres Conciliorum Pontificiorum non in Christi nomine con-
gregantur, sed potius in nomine Antichristi ac proinde Spir. S. aut
Christi presentiam vel gratia divina, ut ipsi loquuntur, assistentiam
sperare, quatenus tales, minime possunt, Et per consequens, ab er-
roris periculo in fide aut moribus neutiquam eximi.

53. Major propositio de se indubia. Assumptum probare esset actum
agere; Papam enim ipsissimum esse Antichristum proxima disputatione
transactum fuit. Nisi illud fortassis probandum sit Romanensium Con-
ciliorum Patres in nomine Papæ congregari, siquidem legatos & consi-
liarios suos, ad Concilium profecturos solenni juramento sibi obstringit
Pontifex, cujus verba inter reliqua sic habent: Ego N. N. ab hac hora
ut antea fidelis ero & obediens B. Petro, Sanctæq; Romanæ Apostolicæ
Ecclesiæ; jura, honores, privilegia, regalia, & auctoritatem Romanæ
Ecclesiæ, DOMINI NOSTRI PAPAE, & successorum prædictorum
conservare, defendere, augere, & promovere curabo, nec ero in Con-
cilio, in facto, seu in tractatu in quibus contra DOMINUM NOSTRUM,
vel Romanam Ecclesiam aliqua sinistra sive præjudicialia, personarum
juris, honoris, status & potestatis eorum machinentur, &c.

LOCVS II.

Esai. 56. v. 10. Speculatores ejus cæci omnes, neq; quicquam norunt, omnes canes muti, nec valent latrare, jacentes dormiunt, & amant dormitionem, & Pastores ipsi nihil sciunt nec intelligunt.

Ezech. 23. v. 23. & 26. Conjuratio Prophetarum in medio ejus ad devorandum animas, sicut leo rugiens & qui rapit prædam, &c. Sacerdotes ejus violârunt legem meam & profanaverunt sancta mea.

54. Ex his dictis quadam breviter consideranda veniunt. Ecclesiam illam Judaicam, quæ fuit Esaiæ temporibus Deus ipse vocaverat, utramq; Politiam idem instituerat, eandemq; nondum prorsus verbo & Sacramentis orbaverat; rigebat adhuc illa Sacrificiorum sollemnitates, nec dum templum illud cultusq; destructus erat, & tamen speculatores illius populi dicuntur omnes cæci, nihil quicquam nosse.

55. Et ne putemus singulos tantum seorsim, non autem conjunctim universos hoc pacto aberrare posse, de conjurato, & quasi in eunum collecto Prophetarum conciliabulo nihil sanius ab Ezechiele prædicatur.

56. Quod si illi tam in fide quam in moribus errare poterant, non tantum singuli sed & in unum collecti & conjurati, qui tamen per Prophetas immediatè à Deo missos indies admonebantur & objurabantur acerrimè, quia adeo non ordinaria tantum sed & extraordinaria sinceræ religionis adminicula habebant, quanto magis nostri Papicola, quantumvis in concilijs collecti errare poterunt, qui nec ordinaria media, nisi corruptissima, retinent, extra ordinaria vero nulla omnino ostendere possunt.

57. Verum nebulas dictis paulo ante citatis effundit Jesuita quas prius oportet discutere: Frequentissimum ait esse in sacris literis, ut propter aliquos malos, reprehendantur omnes, non enim, exempli causa, Phil. 2. omnes quærebant quæ sua sunt, & tamen (inquit) suo quodammodo id est, per figuram intellectionis omnes quæ sua sunt quasi visse, ab Apostolo pronunciantur. Non itaq; testimonia hoc sibi volent, omnes V. T. Sacerdotes & Prophetas mendaces fuisse, sed aliquos tantum. Sic ille.

58. Atqui hoc nihilominus verum est, imò verissimum, si quando ista generaliter in omnes Prophetas invehuntur, non de aliquibus

sanctum.

tantum, sed vel ad unum usq. de omnib. plerumq. id intelligendum esse, vel si non de omnibus præcise, saltem de plerisq. præ quorum numero saniores, si qui sunt, ita pauci sunt ut præ illis plurimis etiam ex vulgaris paræmiæ sensu pro nullis habeantur. Exinde illis etiam dictis sua constabit universalitas.

59. Neq. vicissim ut hic excipit Iesuita ea tantum in illos dicuntur, qui separati a populo decipiebant, verum etiam in conjugationem, h. e. in eos qui conjunctis virib. coactisq. conciliabulis id ipsum machinabantur.

60. Satis etiam ad rem facere propositum exemplar ostendit comparatio, quæ in argumentatione paulo ante præmissa continetur, neq. id vel [a] promissioni Petro factæ, vel [b] enunciato Apostoli ulla ex parte refragatur, quemadmodum ridicule contendit Iesuita [lib. 1. c. 6.]

a Matth. 16.

7. 18. Luc.

22. 7. 32.

b 1. Tim. 3.

7. 15.

61. Quia vero to Catholicum perpetuo in ore habent, age si generale concilium, ex omnib. illorum temporum tam Sacerdotibus quam Prophetis coaluisset, ecquid aliud futurum fuisse putamus, præterquam illud quod tempore illius Concilij, ex 400. Prophetis, ab Achabo convocati, contigisse legimus? annon perinde sicut illi regi suo, ita nostri conventuales Episcopi, s u o d o m e n o Papæ adulantur? nonne per æque omnium suffragiis ab iisdem veritas expolitur: Michæ. autem, h. e. fideles ministri pro hæreticis damnantur, percutiuntur, & conjiciuntur in carcerem, imò etiam comburuntur? & quid non?

1. Reg. 22.

7. 5. & 22.

62. Et quoniam excipere solent hoc loco id concilium, non fuisse à summo aliquo Pontifice coactum; Ecce tibi Iudæorum concilium præside summo Pontifice Caipha, in quo minus aliquid desiderari potest eorum, quæ ad externam speciem faciunt, nam & summus totius Sacerdotalis ordinis cæphætop Hierosolymis erat, perinde sicuti de summo Cardinalium aut Episcoporum Collegio gloriantur Papicolæ, & verius quam hi clamare poterant templum Domini, templum Domini.

63. Quid quod Iudæi præsertim prioribus aliquot sæculis Ecclesiam suam verius Catholicam disquire poterant, quam fortasse nostri Catholici suam; Certum enim est, horum temporum Ecclesiam neutiquam ita inclusam esse Pontificiæ Ecclesiæ terminis, quemadmodum olim Iudææ sive Palestina limitibus vera religio circumscripta ad tempus, & quasi coercita fuit.

64. Nihilominus Hierosolymis convenitur, adest supremus Pontifex, non per legatos, sed in propria, ut ita dicam, persona, asidet Sacerdotum ordo universus, (ne hic obijcere possint concilia non Prophe-

Bel. lib. 1.

cap. 15.

Id. lib. 2.

cap. 8.

taram sed Sacerdotum esse debere). Sed quid sit damnatur tamen Christus, & hic & illic. Hic quidem immediate in se, illic b. e. in Concilijs Romanensibus mediate, videlicet in membris suis.

• ὁ ἁγισμὸς.

Beil. lib. 2.
cap. 17.

65. Porro si summus Pontifex simpliciter & absolute est supra Ecclesiam universam, & supra Concilium generale, ita ut nullum interris supra se agnoscat iudicium, si item infallibilitas omnis Conciliorum a Pontifice pendet, frustra sancto tanto conatu, tanto hiatu, tanta congregantur Concilia.

d. lib. c. 18.

66. Patet consequentia, quemadmodum enim post deliberationem in Concilio factam ad nutum Papæ deciditur, quicquid deciditur [siquidem summus Pontifex ne quidem potest ulli aut homini aut Concilio iudicium supra se committere, ut inepti homines ineptè loquuntur.] Ita etiam antequam in Concilio res agitur, ejusdem Papæ iudicio statim ab initio unum versum negocium committi poterat, & si diis placet, ex scripso pectoris sanctitatis ipsius, sententia finalis expectari.

67. Quorsum enim attinet multos ultra citroq; sermones conferre, vota colligere, pro & contra prolixè disputando veritatem investigare, si investigatam & probe erutam, adversus insanam Papalis cerebri vertiginem defendere, & obtinere integrum non est?

68. Nec enim locum habere potest suffugium eorum qui negant, frustra ob id institui Concilia, ut enim majori cum autoritate sententias decerni, ita in illis inquisitionem fundamentorum veritatis majorem fieri, &c.

69. In tantum enim abest, quod ajunt, in hujusmodi conventibus majorem semper fieri veritatis inquisitionem ut potius magis involvatur, atq; ut plurimum altercando amittatur veritas, id quod inter cetera nobilis illa & ad hæreseos objectionem usq; despumans tempore durantis adhuc Concilij Tridentini, concertatio, inter Dominicum a Soto Imperatoris confessorium & Ambrosium Catharinum Archiepiscopum Minorientem, abundè declarat. His enim de quinque propemodum gravissimis fidei articulis intercedebat acerrima, a Patribus Tridentinis (ad quos per scripta fuit) minime composita.

70. Et quid multa? ubi rerum ad sunt testimonia, quid verbis ulterius opus est? nonne singula quædam Concilia singulos, quædam plures simul errores, quantum vis a summis Pontificibus confirmata, posteris commendarunt? nonne plura simul hæresium portenta quandoq; in illis

illis stabilita sunt, quorum veluti epitomē quadam in Tridentinē cano-
nibus expressa continetur?

71. Ceterum an Concilia Papiſtarum ſint ſupra Pontificem, nec
ne, nihil moramur; nobis tantisper eodem in precio erunt, tam Papa,
tum Papiſtarum Concilia, donec inter ipſos, & de hoc & de alijs prope-
modum infinitis quaſtionum labyrinthis convenerit; legitimo certē Cō-
cilio neutiquam ipſum vel ex æquari, vel comparari poſſe, ex ſuperiori-
bus utcuq; manifeſtum eſt.

72. Sic vero Concilijs debitum honorem habuerimus, ſi nec plus nec
minus iuſto eis dem tribuerimus ad quod tum demum a nobis fiet, ſi quo-
ties Synodi alicujus decretum proſertur accuratē perpendamus, quo
tempore, qua de cauſa, quo conſilio, a quibus item habita, quinam con-
vocarint, qualesnam interſuerint, &c.

73. Nec perſonarum ſolummodo, ſed & rerum circumſtantia pen-
ſiculanda, quo nimirum illud quod actum & concluſum fuit, ad Canoni-
carum ſcripturarum lancem appendatur. Ita ergo Synodorum authori-
tatem ſupra modum non extulerimus.

74. Nihilominus juſtum interim pondus legitimi Concilij determi-
natio obtinere poteſt, cum ipſi tanquam rei jam iudicate abſq; graviſ-
ſima cauſa reſragari aut obſiſtere velle duplex ſit temeritas. Quemad-
modum enim totius Senatus vel imperij ſanctio merito pluriſ fit, quam
unius alicujus & Procerum numero diſſamen; ita certē publica Eccleſia
in ſeſſimo Concilio legitime congregata concluſio (ceteris paribus) ma-
jorem momenti, quam privatum ullius Theologi, quantumlibet exi-
mij, ſuffragium.

75. Et hac ratione ſua vis ac dignitas Concilijs neutiquam deroga-
tur, quo minus ipſis ſua ſit, qua debet eſſe, majeſtas; & tamen ſupe-
riori loco ſcriptura eminebit, ne quippiam ſit, quod non illius cenſura
per omnia ſubjiciatur, juxta illud; omnia probate, quod bonum eſt, re-
tinete.

COROLLARIA.

1. Obiter autem queramus, an ex Aetis Apoſtolorum probari poſ-
ſit Petrum in Apoſtolico Concilio praſidem egiſſe, quia nimirum Petrus cap. 15.
primus ſurgit, primus loquitur, primus quaſtionem definit, denique
quia ceteri ipſius ſententiam ſequuntur, quemadmodum ariolatur lib. 1. c. 19.
juxta.

2. An non sit in Ecclesia major Cathedra, per quā Deus nos doceat,
quam summi Pontificis Cathedra, adjuncto consensu generalis concilij,
adeo ut si hæc etiam Cathedra falli posset, quando universam, ut ajunt,
Ecclesiam docet, an adhuc nihilominus vera esset illa promissio, Iohan.
1. c. 2. 16. v. 13. Idem ignorare se fatetur Robertus.
- Bell. lib. 1. 3. An ex Lutheranorum sententia decretum concilij tantumdem va-
leat; quantum ejus ratio, & nihil amplius?
- Bell. lib. 2. 4. An si concilia generalia errare possent nullum propterea firmum
cap. 4. in Ecclesia judicium superesset, quo controversia componi, & unitas in
Ecclesia servari posset?
- Idem ibid. 5. An omnes damnata hæreses in dubium revocari merito possent,
si non essent inflexibilia conciliorum judicia?
- Idem ibid. 6. An si omnia concilia errare possent consequens statim foret, om-
nia concilia errorem intollerabilem admisisse, ac proinde nullo honore di-
gna esse, cum videatur intollerabilis error futurus, proponere aliquid
credendum tanquam articulum fidei, de quo non constet an verum sit,
nec ne?
- Id. lib. 2. 7. An Ecclesia, si non habet caput in his terris jam visibile, monstri
cap. 15. de inlar futura sit? (Sicut adversarij monstruose commiscuntur) an verò
Concil. monstrosius sit Ecclesiam pariter & visibile & invisibile caput habere,
b. et bicipitem esse?
- Epist. 55. ad 8. An non merito Gregorius Nazianzenus dicere potueris, nullius
Procopium. antiquum concilij se vidisse bonum exitum.
- Anti Osiand. 9. An nullum unquam vetus recensve concilium hæresim aliquam
fig. 12. anathemate ferijt, ut non minus ipsi quoque qui eam sequebantur ac-
cusabantur; damnati interirentur?
- Id. ib. p. 49. 10. An in religionis controversijs sententia usq; ad Synodi alicujus
determinationem suspendenda sit, ita ut errorum fundamentum fidei e-
verrendum tum edendum legitima sit condemnatio, postquam prius in
Synodo de illis judicatum fuerit?
- Augustinus lib. 4. contra duas Epistolas Pelagianorum cap. ult.
Istorum superbia hanc etiam gloriam captare intelligitur, ut propter il-
los Orientis & Occidentis Synodus congregetur. Orbem quippe Catholi-
cum, quoniam Domino eis resistente pervertere nequeunt, saltem com-
movere conantur; cum potius vigilantia & diligentia Pastoralis post sa-
tis illis competens sufficiensq; judicium, ut cumq; isti lupi apparuerint
conterendi sint, sive ut sanentur atq; mutentur, sive ut ab ali-
orum salute atq; integritate vitentur.

